

**КРАСНОДАР.** Кубаньд намрар тәрси ичмәг хадлгън делгү кеглдж йовна. Омн үзгин болн централън райодар тәрәнә гол культур—намрар тәрси цагъан гуйрин тәрән хадх болдж одв. Северск, Пластунск болн Каневск колхозмуд лафетн жатксар тәрә хаджана. Эн джил крайин колхозмуд тәрә салу хаддж хуралгъиг өмнәсн 10-12 өдр эрт төгсгхәр седжәнә.

Тәрә хадлгън делгү эклсн саамд нәәнн мингън комбайнс болн долан мингън лафетн жаткс тәрә хуралгъна кәдлмшт гархмн. Кубанә тәрәнә газрт тәрә хуралгъна тиим олтн техникс урднә орцад уга билә.

**ТБИЛИСИ.** Грузийд темс хуралгън эклчкв. Хавстн йирин болдг болзгасн хойр долан хонг өмн болв. Кесг колхозмуд хавстна гектар болгънась 150—180 центнер ургъц авчана—планас хойр холван үлү. Зәрм райодар помидор болчкв. Помидорин ургъц чигн планас эләдәр авгдджана. Кесг олтн колхозмуд агъурцг, хавг болн талдан чигн темс ургъадж авб.

Темсиг сәәнәр асрна учрар ургъцнә ик болв. Гордабинск, Горийск, Мцхетск болн Гарсубанск темс икәр тәрдр райод помидориг морковла, агъурцгиг хавгла болн талдан ыгн темснлә нег газр тәрлгъиг делгү кесн төләдән, гектар болгънас 400—500 центнер зүсн-зүүл темс авб. Темсиг нег газр тәрлгън эн джил гурви мингъ шаху гектар күрч өсхмн. Темс госуларствд орулдж өглгън эклчкв.

**ЧЕРКЕССК.** Областин кол-

хозмуд эн джил 100 гектар газр болгъна тоод мах гаргългъиг 40 центнер күргдж өсгх болдж даалгъвр авцхав. Селәнә күч-көлсчнр цуг мал өсглгъиг, тер тоод чиндгъ өсглгъиг өргджүлджәнә.

Давсн джилд госуларствд чиндгънә 27 мингън центнер мах орулдж өгсн учрар, 10 мингън бод мал әрвлгдж үлдв.

Чиндгъ асрсн учрар, нег центнер эдл-уш болгънд талдан мал асрсн-дорхнә хот-хол кесг холван багъар гаргъгдна.

Зәрм райодар чиндгъ өсглгън мал өсглгънәс ордг оругъин гурвна кесн нег хүвинь өгнә.

Областин колхозмудт ода чиндгъ өсгдг 500-гар фермс бәәнә—эн то 1955 джиләр болхла 12 холван ик. Эн джилн эклцәс авн ода күртл, ниднин джилинлә дүнгүцүлхлә, госуларствд эдл-уш орулдж өглгън 15 холван өсв. Октябрин 40-ч джилин өдн күртл тиим фермс наадк цуг селәнә эдл-ахун артельмүдәр бүрдәгдхмн.

**СТАЛИНО.** Областин колхозмудар болн совхозмудар эрдни-шишә сәәнәр ургъджана. Буудә белдлгънә организацсин кәдләчнр шин ургъц авхин эркд белдвр кегъад, буудән ачлгъиг болн буулгългъиг олтн зүсн машиндәр кеджәнә.

Велико—Акадольск „Заготзернон“ пунктин механик В. Лунгорән проектәр эврән эрдни-шишә ачдг машин кегдв.

Тер машиг нег күн йовулна. Машин нег часдан 100 тонн эрдни-шишә ачна.